

Protocol no. 43**Sezzüda da lündeschdi, 21 december 2009, 20.00 – 21.15**

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 42 da la sezzüda da lündeschdi, 7 december 2009 vain approvà.

359 021 FABRICA
Permiss da fabrica - Ronald Jacobs - Fouras geotermicas - Archas 194

Sün dumonda da sar Ronald decida il Cussagl cumünal da dar il permiss per realisar las fouras geotermicas cun seguaintas cundiziuns:

1. Tenor la dumonda e'ls plans fats buns ed acclus al permiss.
2. Il quint dal Chantun per la procedura vain allegà al permiss da fabrica.
3. Il Cumün inchascha üna taxa da trattamaint da fr. 100.--.

360 021 FABRICA
Permiss da fabrica – Armon Taverna – Sömmi bar

Sün dumonda da sar Armon decida il Cussagl cumünal da dar il permiss surmanzunà cun seguaintas cundiziuns:

1. Tenor la dumonda e'ls plans fats buns ed acclus al permiss da fabrica.
2. Il permiss BAB-no. 2008-0847 dals 15 december 2009 es part integrala da quist decret.
3. Il quint dal Chantun per la procedura da BAB importa fr. 546.--.
4. Il Cumün inchascha üna taxa da trattamaint da fr. 150.--.

361 021 FABRICA
Parc da suas Sur En – Schlargiamaint dal parcuors

Il Cussagl cumünal decida d'inviar la dumonda da fabrica in sen positiv a Cuaira per la procedura da BAB.

362 151 TIR DA SCHAIBGIAS
Chaistas pel tir a schaibgia Parnarsura – Credit fr. 5'600.--

La sanaziun dal tir da Parnarsura ch'id es sancziunada da la radunanza cumünala vain tutta per mans da prümavaira. Ultra da quai faja da bsögn d'installar duos chaistas per tschüffer sü las cullas. Il Cussagl cumünal decida da cumprar quellas chaistas pel import da fr. 5'600.--. La fundamainta cuosta ca. fr. 5'000.--. Quella e la lavur vain surtutta da la Società da chatschaders.

363 830.318.02 Infrastructura glatsch
Fiers d'agüd per ir culs pattins

Il schef turistic orientescha chi's haja cumprà 4 fiers d'agüd per ir culs pattins. Il Cussagl cumünal piglia a cogniziun la cumprita e l'import da fr. 320.-- vain debità al conto d'infrastructura pel glatsch.

365 ORIENTAZIUNS

Servezzan da lavinias

Il Cussagl cumünal piglia cogniziun dal rapport da la cumischiun da lavinias, chi vain presidiada da Cla Rauch.

Archiv cumünal

Il Cussagl cumünal piglia cogniziun dal rapport da l'inspectorat d'archivs d'Engiadina Bassa. L'archiv da Sent es in ün fich bun uorden e vain chürà conscienziusamaing e cun premura da nos archivar Claudio Vital.

Scoula

Marianne Werro orientescha chi saja gnü fat attent als genituors sco ch'els as vessan da cumportar in cas da malatia da lur uffants.

L'actuar: